



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2573. Kurfürstlicher Lehnbrief über das Erbkammer-Amt für Graf
Jobst-Nicolaus von Hohenzollern, vom 25. März 1539.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

gegeben haben wollen, Geben jme auch den itzo willentlich vnd jn krafft dits Briefs, hierauf geredend vnd vorsprechende bei vnsern Grafflichen wyrden, Ehren vnd guthen trewen An Rechter Aydsstat, Was von vorgemeltem vnserm Gewalthaber vnd Anwaldt gehandelt wirdet, War, vheft vnd vnuorbrochenlich zuhalten vnnnd dem zugeleben, Bej vorpfandung aller vnser hab vnd gutter, liegender vnnnd farender, gegenwertiger vnnnd kunfftiger. Solchs zu vheftem Vrkont So haben wir diesen gewalt mit vnserm Aigen handtzaichen vnnnd Insiigel offentlichen vorfertigt, Auf Mitwoch nach dem Sontag Oculi jn der vasten, Nach der geburt Christj Tausent Funffhundert Dreiffig vnnnd Neun Jar.

Nach dem Churm. Lehnscopialbuche V, f. 232.

2573. Kurfürstlicher Lehubrief über das Erbkammer-Ampt für Graf Jobst Nicolaus von Hohenzollern, vom 25. März 1539.

Wir Joachim etc., Churfurst etc., Bekennen vnnnd thun kunt offentlich mit diesem Briue vor vns, vnser Erben vnd Nachkommen vnd sonst Allermeniglich, Das der Wolgeborne vnnnd Edel vnser lieber Vetter vnnnd getrewer Jobst Nielas, Graf zu hohen Zollern, herr zu hoigerlach, Des heiligen Romischen Reichs Erb-Camerer vnnnd hauptman der herrschafft hohenberg, Durch seinen volmechtigen Anwalt Gallen Schutzen von Ittingertall, der Graffschafft Zollern Oberfoigt, aus ehaffter vorhinderung vnnnd von wegen vberfallener schwachait seins personlichen nicht erscheinens vns mit fleifs ersucht vnnnd gebeten, jme nach absterben Weyland des Wolgebornen vnd Edlen Joachim, Graffen zu hohen zollern etc., seins herrn vnd vatern seliger gedechtnus, solch Erbcamerampt mit seinen Ehren vnd zugehorungen gnediglich zuorleyhen geruchten; Des haben wir angesehen sein fleiffig vnnnd billich bit vnd gnanten vnserm Vetter Jobst Nielas vnnnd seinen Menlichen Lehens Erben Graffen zu Zollern auch vorberurten seinem volmechtigen Anwalden jn seinem Namen vnnnd von seinet wegen das obgemelte Erb vntter Camer-Ampt mit allen seinen Eren, zu vnd eingehorungen vnd allem Rechten, Wie sein Vater seliger gedechtnus von vnserm herrn vatern vnnnd vorfarn Marggraffen vnnnd Churfursten seliger gedechtnus das jnegehabt, zu einem Edlen vnnnd rechten Manlehen gnediglich vorliehen. Vnnnd wir vorleyhen jnen dasselb Erb vnnnd vntter Camer-Ampt mit allen seinen eren, zu vnnnd eingehorungen, zu einem Edlen vnd rechten Manlehen jn allermassen vnd wie obsteet, jn krafft vnnnd macht dits briefs. Daruf vns auch gemelter Anwaldt jn krafft seiner volmacht, So er vns angezaigt, von obbemelts vnser vetter Graf Jobst Nielas wegen jn seinem Namen vnd Seele Lehenspflicht geschworn vnd gethan hat, von berurts Erb vnnnd vntter Camer-Ampts wegen getrew, gewertig vnnnd gehorsam zu sein,

vnser fromen zuwerben vnd schaden zuwenden. Er vnnnd sein Menlich Lehens Erben sollen auch vns, vnsern Erben vnnnd Nachkomen Daruon thun, halten, dienen, So offt es zu schulden kompt, als ein Lehenman von solchen Lehen jrem Lehen herrn zuthun schuldig vnnnd pflichtig sein, getrewlich vnnnd vngeuerlich. Vnd wir leihen jnen daran, was wir jnen von gnaden vnd rechts wegen Daran vorleyhen sollen vnd mogen, doch vns, vnsern Erben vnd Nachkommen Marggraff zu Brandenburg, Curfursten, an vnser vnnnd sonst einem yeden an seiner gerechtigkeit vnshedlich. Zu urkunt etc. Datum Franckfurt am Main, Dinstags nach Judica, Anno etc. jm XXXIXten.

Nach dem Churm. Lehnscopialbuche V, f. 233.

2574. Kurfürst Joachim und Markgraf Johann vergleichen sich mit einem Polnischen Abgesandten wegen stattgefunderer Verletzungen der Mark, am 20. Juni 1541.

Zu wissen! Nachdem die Durchleuchtigsten vnd Durchleuchtigen Hochgebornen Fursten vnnnd hern, Herr Joachim, des heiligen Romischen Reichs Ertzkammer vnnnd Churfürst, vnd Her Johans, gebruder, Beide Marggrafen zw Brandenburg etc. — An den Durchleuchtigsten Fursten, Herr Sigmunden, Konigen zw Poln, Grosfursten in Litthauen, Reussen, Preussen Hern vnd Erben, Irer Chur vnnnd Fürstlichen gnaden Freundlichen lieben hern Oheimen, Vattern vnnnd Schwagern, Vorruckter Zeit geschrieben haben mit anzeigung vnd vormeldunge, Wes beschwerlichen eingriff vnd zunottinge etlichen jhren Chur vnd Fürstlichen gnaden Lehens vorwanten vnd vnderthanen von dem Wolgebornen vnd Edlen Herrn Andreaffen, Grauen vnd hern zw Gercka, Castellan zum Poffenaw, vnnnd gemeinem Hauptman In Gros-Poln vnnnd andern jrer königlichen wirde vnterthanen begegnet, widerfharen vnnnd zugefugt worden weren, mit fleißiger vnnnd fruntlicher bitt, solchs abzuschaffen; Darauff dan jre königliche wirde, Durch den Gestrengen vnd Erneuesthen Irer Königlichen wirde Rath vnnnd Dienern Nickeln von Nybschitz, auff heuten Dato muntlich Anthwort hat einbringen lassen, das sich demselben nach gedachter von Nybschitz an Stad vnnnd von wegen, Hochgedachten königlicher Wirde zw Pollen in Crafft zugefaltter volmacht, mit Hochgedachten beiden Chur- vnnnd Fürstlichen gnaden von Brandenburg vorglichen vnd entschlossen hatt, Das jre königliche Wirde auff den Sontag Misericordias Domini, jm ein vnd vierzigsten Jhar schirftkunfftig etliche jre Commissarien vnnnd Rethe, Dieweil es eher etlicher vorhinderungen halben nicht bescheen kan, gein Meferitz oder Zcireka ein zw khommen abfertigen, Desgleichen auch beyde jre Chur- vnd Fürstliche gnaden jre Commissarien vnnnd Rethe gein Driefen oder Lagaw auff denselben berurten Sontage vorordenen, die als dan sich weiter gelegner Zusammenkunfft voreinigen vnd aller vnnnd Iglicher gebrechen, Irrung vnnnd Zwyspaltung halber,